



Ո Ր Ո Շ ՈՒ Մ

Քաղաքացիական գործի վարույթը վերսկսելու մասին

04 հոկտեմբերի 2023թ.

ք.Գյումրի

ՀՀ Սնանկության դատարանը նախագահությամբ՝ դատավոր Արմեն Խաչատրյանի, ուսումնասիրելով քաղաքացիական գործի նյութերն ըստ հայցի՝ ««Ներդրումների աջակցման կենտրոն» հիմնադրամի ընդդեմ Կարապետ Սերյոժայի Ղարիբյանի, վեճի առարկայի նկատմամբ ինքնուրույն պահանջներ չներկայացնող երրորդ անձինք Անուշ Գևորգի Ղարիբյանի և Տաթևիկ Ղարիբյանի՝ բաժնեմասն առանձնացնելու, դրա վրա բռնագանձում տարածելու, իսկ դրա անհնարինության դեպքում գույքը հրապարակային սակարկություններով վաճառելու պահանջների մասին.

Պ Ա Ր Զ Ե Ց

Հայցվոր «Ներդրումների աջակցման կենտրոն» հիմնադրամը (այսուհետ՝ Հիմնադրամ) 05.04.2021թ. հայցադիմում է ներկայացրել ՀՀ Լոռու մարզի առաջին ատյանի ընդհանուր իրավասության դատարան ընդդեմ Կարապետ Սերյոժայի Ղարիբյանի, վեճի առարկայի նկատմամբ ինքնուրույն պահանջներ չներկայացնող երրորդ անձինք Անուշ Գևորգի Ղարիբյանի և Տաթևիկ Ղարիբյանի՝ բաժնեմասն առանձնացնելու, դրա վրա բռնագանձում տարածելու, իսկ դրա անհնարինության դեպքում գույքը հրապարակային սակարկություններով վաճառելու պահանջներով, Դատարանից խնդրելով՝ ընդհանուր սեփականություն հանդիսացող, ՀՀ Լոռու մարզի Սպիտակ քաղաքի Շվեյցարական թաղամասի թիվ 20 հասցեի անշարժ գույքից (այսուհետ՝ նաև Անշարժ Գույք) պարտապանի բաժինն առանձնացնելու, դրա անհնարինության դեպքում ընդհանուր սեփականություն հանդիսացող գույքը հրապարակային սակարկությունների միջոցով վաճառելու և պարտապանին հասանելիք գումարի վրա բռնագանձում տարածելու պահանջների մասին: Նույն դատարանի 14.04.2021թ. որոշմամբ հայցադիմումն ընդունվել է վարույթ և գործը նախապատրաստվել է դատաքննության, նշանակվել են դատական նիստեր:

ՀՀ Լոռու մարզի առաջին ատյանի ընդհանուր իրավասության դատարանի 31.03.2022թ. որոշմամբ քաղաքացիական գործը հանձնվել է ՀՀ սնանկության դատարանի (այսուհետ՝ Դատարան) քննությանը: Սույն գործը ՀՀ սնանկության դատարանում վարույթ է ընդունվել 10.05.2022թ.:

Դատարանի 16.01.2023թ. որոշմամբ սահմանվել են սույն քաղաքացիական գործի լուծման համար էական նշանակություն ունեցող և ապացուցման ենթակա փաստերը, կատարվել է ապացուցման բեռի բաշխում:

Դատարանի 11.05.2023թ. որոշմամբ սույն գործով նշանակվել է դատաշինարարական և ապրանքագիտական համալիր փորձաքննություն, նույն օրը կայացված որոշմամբ քաղաքացիական գործի վարույթը կասեցվել է:

29.09.2023թ. ստացվել է ՀՀ «ՎԱՐՄՕՆ ՌԻԵԼԹԻ» ՍՊԸ-ի կողմից 20.09.2023թ. տրված փորձագետի եզրակացությունը, այսինքն՝ վերացել է քաղաքացիական գործի վարույթի կասեցման առաջացրած հանգամանքը, ուստի անհրաժեշտ է քաղաքացիական գործի վարույթը վերսկսել:

